

四庫全書

集部

欽定四庫全書

御定佩文齋詠物詩選卷五

河漢類

五言古

賦得秋河曙耿耿

陳張正見

耿耿長河曙濫濫宿雲浮
天路橫秋水星橋轉夜流
月下姮娥落風驚織女秋
德星猶可見仙槎不復留

七言古

明河篇

唐宋之間

八月涼風天氣清萬里無雲河漢明
昏見南樓清且淺
曉落西山縱復橫洛陽城闕天中起
長河夜夜千門裏
複道連甍共蔽虧畫堂瓊戶特相宜
雲母帳前初汎溢
水精簾外轉逶迤倬彼昭回如練白
復出東城接南陌
南陌征人去未歸誰家今夜擣寒衣
鴛鴦機上疎螢度
烏鵲橋邊一鴈飛
鴈飛螢度情難歇
坐見明河漸微沒
已能舒卷任浮雲
不惜光輝讓流月
明河可望不可親

願得乘槎一問津更將織女支機石還訪成都賣卜人
五言律

天河

唐杜甫

常時任顯晦秋至最分明縱被浮雲掩終能永夜清含
星動雙闕伴月落邊城牛女年年渡何曾風浪生

賦得秋河曙耿耿

唐陳潤

曉望秋高夜微明欲曙河橋成鵲已去機罷女應過月
上殊開練雲行類動波尋源不可到耿耿復如何

和石曼卿明河詠

宋蘇舜欽

八月銀河好天高月自明樓臺通迥意風露得餘清幾
為浮雲沒都宜小雨晴離人強回首耿耿得無情

七言律

銀河詠

宋孔平仲

江湖有客卧孤城每見銀河眼亦明萬里長風吹不斷
一番微雨洗尤清星辰白石參差亂雲氣飛梁倏忽生
牛女東西波浪隔夜寒天闊不勝情

五言絕句

披襟

元王暉

涼風東北來，蕩盡中夜熱。
起視河漢斜，微雲淡明滅。

七言絕句

宮詞

唐顧況

玉樓天半起笙歌，風送宮嫔笑語和。
月殿影開聞夜漏，水精簾卷近銀河。

上雲樂

唐陸龜蒙

青絲作笮桂為船
白兔擣藥蝦蟇丸
便浮天漢泊星渚
回首笑君承露盤

秋夜

元馬臻

眼空夜色秋滿城
城樓漏鼓聞四更
杓隨月轉萬山白
坐看天河西北傾

御定佩文齋詠物詩選卷五

欽定四庫全書

集部

御定佩文齋詠物詩選卷八

六至

詳校官侍郎

臣李

封

主事銜

臣

徐以坤覆勘

總校官檢討

臣

何思鈞

校對官中書

臣

王 璣

謄錄監生

臣

陳

煜

欽定四庫全書

御定佩文齋詠物詩選卷六

風類

古樂府

南風歌

虞帝

南風之薰兮可以解吾民之愠兮南風之時兮可以阜
吾民之財兮

大風歌

漢高帝

大風起兮雲飛揚威加海內兮歸故鄉安得猛士兮守四方

四言古

朔風詩

魏
曹植

仰彼朔風用懷魏都願騁代馬倏忽北徂凱風時至思彼蠻方願隨越鳥翻飛南翔

詠風

梁
劉孝綽

嫋嫋秋聲習習春吹鳴茲玉樹渙此銅池羅幃自舉襟

袖乃披慙非楚侍濫賦雄雌

五言古

江都遇風

晉庾闡

天吳涌靈壑將駕奔冥霄飛廉振折木流景登扶搖洪
川佇宿浪躍水迎晨潮仰盼蹙元雲俯聽聒迴飈

西陵遇風獻康樂

宋謝惠連

屯雲蔽層嶺驚風涌飛流零雨潤墳澤落雪灑林丘浮
氛晦崖巘積素惑原疇曲汜薄停旅通川絕行舟

詠風

齊謝朓

徘徊發紅萼，歲華動綠葳。
垂楊低復舉，新萍合且離。
步檐行袖靡，當戶思襟披。
高響飄歌吹，相思子未知。
時拂孤鸞鏡，星鬢視參差。

詠風

梁簡文帝

飄飄散芳勢，泛漾下蓬萊。
傳涼入鏤檻，發氣滿瑤臺。
委木周郊偃，飛鷗宋都回。
亟搖故葉落，屢蕩新花開。
暫舞驚鳧去，時送蕊香來。
又拂巫山雨，何用卷寒灰。

詠風

梁元帝

樓上試朝妝
風花下砌傍
入鏡先飄粉
翻衫好染香
度舞飛長袖
傳歌共繞梁
欲因吹少女
還持拂大王

詠風

梁庾肩吾

宋地鵑飛初
湘川燕起餘
掃壇聊動竹
吹薤欲成書
蒼梧洞猶在
合浦樹應疎
陽鳥一轉翅
千里定非虛

詠春風

梁何遜

可聞不可見
能重復能輕
鏡前飄落粉
琴上響餘聲

詠入幌風

梁費昶

經堂泛寶瑟乘隙動浮埃
鏘金驅響至舉袂送芳來
能使蘭膏滅乍見珠簾開
輕裾試一舉令子暫遲迴

詠春風

梁賀文標

排簾動輕幔汎水拂垂楊
本持飄落蕊翻送舞衣香

賦得風

陳阮卓

高風應爽節搖落漸疎林
吹雲旅鴈斷臨谷曉松吟
屢惜涼秋扇常飄清夜琴
泠泠隨列子彌諧逸豫心

賦得風生翠竹裏應教

陳張正見

金風起燕觀翠竹夾梁池翻花疑鳳下颺水似龍移帶
露依深葉飄寒入勁枝脚因萬籟響詎待伶倫吹

詠風

陳祖孫登

颺颺楚王宮徘徊繞竹叢帶葉俱吟樹將花共舞空飄
香雙袖裏亂曲五絃中試上高臺聽流響定無窮

詠風

唐太宗

蕭條起關塞搖颺下蓬瀛拂林花亂彩響谷鳥分聲披

雲羅影散泛水織文生勞歌大風曲威加四海清

奉和詠風應魏王教

唐虞世南

逐舞飄輕袖傳歌共繞梁動枝生亂影吹花送遠香

詠風

唐董思恭

蕭蕭度閭闔習習下庭闈花蝶自飄舞蘭蕙生光輝相
烏正舉翼退鷁已驚飛方從列子御更逐浮雲歸

詠風

唐王勃

蕭蕭涼風生加我林壑清驅煙尋磴戶卷霧出山楹去

來固無跡動息如有情
日落山水靜為君起松聲

汴河阻風

唐 孟雲卿

清晨自梁宋挂席之楚荆
出浦風漸急傍灘舟欲橫
大河噴東注羣動皆喧冥
白霧魚龍氣黑雲牛馬形
蒼茫迷所適危安懼暫寧
信此天地內孰為身命輕
丈夫苟未達所向須有成
前路捨舟去東南仍晚晴

風詠

唐 呂溫

微風生青蘋習習出金塘
輕搖深林翠靜獵幽逕芳掩

抑時未來鴻毛亦無傷一朝乘嚴氣萬里號清霜北走
摧鄧林東去落扶桑掃却垂天雲澄清無私光悠悠汎
空寂晏海通舟航

竹窗聞風寄苗發司空曙

唐李益

微風驚暮坐臨牖思悠哉開門復動竹疑是故人來能
滴枝上露稍沿階上苔何當一入幌為拂綠琴埃

嘲春風

唐溫庭筠

春風何處好別殿饒芳草丹雘轉驚旗歲蕤吹雉葆揚

芳厯九門澹蕩入蘭蓀爭奈白團扇時時竊主恩

與王郎昆仲遶城汎舟

宋蘇軾

清風定何物可愛不可名所至如君子草木有嘉聲我行本無事孤舟任斜橫中流自偃仰適與風相迎舉杯屬浩渺樂此兩無情歸來兩谿閒雲水夜自明

七言古

附長短句

秋夜舟中大風

宋孔文仲

昨夜強風萬弩過舟中側聽披衣坐秋來已覺陰氣繁

晨興更見波濤大，衰梧弱柳不足數。
脩篁摧折幾百箇，飛廉鬱然方用事。
一威能令萬物挫，人言風怒未渠央。
我觀暴忽豈有常，會見平川淨如鏡。
刀魚鳴櫓過錢塘。

大風留金山兩日

宋蘇軾

塔上一鈴獨自語，明日顛風當斷渡。
朝來白浪打蒼崖，倒射軒窗作飛雨。
龍驤萬斛不敢過，漁艇一葉從掀舞。
細思城市有底忙，却笑蛟龍為誰怒。
無事久留童僕怪，此風聊得妻孥許。
瀟山道人獨何事，夜半不眠聽粥鼓。

風

明楊慎

風偃草飄蓬過竹院拂蘭叢
柳隄搖綠花徑飛紅青釭
殘燄動碧幌嫩涼通漆園
篇中竿籟蘭臺賦裏雌雄
無影迴隨仙客御有情還
與故人同

五言律

風

唐李嶠

落日生蘋末搖揚徧遠林
帶花疑鳳舞向竹似龍吟
月動臨秋扇松清入夜琴
蘭臺宮殿峻還拂楚王襟

西風

唐白居易

西風來幾日一葉已先飛
新霽乘輕屐初涼換熱衣
淺渠銷慢水疎竹漏斜暉
薄暮青苔巷家僮引鶴歸

詠風

唐張祐

搖搖歌扇舉悄悄舞衣輕
引笛秋臨塞吹沙夜遶城
向峰迴鴈影出峽送猿聲
何似琴中奏依依別帶情

行漢水晚次神灘阻風

唐僧無可

驚風山半起舟子忽停橈
岸荻吹先亂灘聲落更跳
聽

松欲今暮過島或明朝若盡平生趣東浮看石橋

太平三山值風

元貢師泰

天塹東南地長江日夜流大風吹水立驟雨挾山浮浩
蕩掀黃鵠歌傾舞白鷗莫言舟似葉此亦壯哉游

五言排律

冬至日祥風應候

唐穆寂

節逢清景空占氣二儀中獨喜登臺日先知應候風呈
祥光舜化表慶感堯聰既與乘時叶還將入律同微微

萬井徧習習九門通更繞爐煙起殷勤報歲功

賦得春風扇微和

唐范傳正

曖曖當遲日微微扇好風吹搖新葉上光動淺花中澹
蕩凝清晝氤氲暖碧空稍看生綠水已覺散芳叢徙倚
情徧適徘徊賞未窮妍華不可狀竟夕氣融融

賦得八風從律

唐蔣防

製律窺元化因聲感八風遠從萬籟起更與五音同習
習爐煙上泠泠玉管中氣隨時物好響徹霽天空自得

陰陽順能令惠澤通願吹寒谷裏從此達前蒙

賦得風不鳴條

唐盧肇

習習和風至過條不自鳴暗通青律起遠望白蘋生拂
樹花仍落經林鳥自驚幾牽蘿蔓動潛惹柳絲輕入谷
迷松響開窗失竹聲薰絃方在御萬國仰皇情

賦得風光草際浮

唐吳祕

草色春沙裏風光曉正幽輕明搖不散郁昱麗仍浮吹
緩苗難轉輝閒葉本柔碧疑煙彩入紅是日華流耐可

披襟對誰能滿掬收恭聞掇芳客為此尚淹留

賦得風不鳴條

唐金厚載

寂寂曙風生遲遲散野輕露華搖有滴林葉裊無聲暗
剪叢芳發空傳谷鳥鳴悠揚韶景靜淡蕩霏煙橫遠水
波瀾息荒城草樹榮吾君垂至化萬類共澄清

賦得春風扇微和

唐陳九流

喜見陽和至遙知索綯功遲遲散南陌裊裊逐東風暗
入畦園裏潛吹草木中蘭蓀纔有綠桃李未成紅已覺

寒光盡還看淑氣通由來榮與悴今日發應同

七言律

詠風

唐韓琮

競持飄忽意何窮為盛為衰半不同
偃草喜逢新雨後鳴條誰聽曉霜中
涼飛玉管來秦甸暗裊花枝入楚宮
莫見東西便無定滿帆還有濟川功

舶趠風

宋蘇軾

三旬已過黃梅雨萬里初來舶趠風
幾處縈迴度山曲

一時清駛滿江東驚飄蔌蔌先秋葉喚醒昏昏嗜睡翁
欲作蘭臺快哉賦却嫌分別問雌雄

柳絮風

元黃清老

三月韶光天氣清游絲舒卷豈無情微飄簾幙當春晝
亂撲亭臺似雪晴醉臉欲吹新燕弱舞腰初軟落花輕
江頭點點行人淚相逐離歌灑客程

五言絕句

風

唐李嶠

解落三秋葉能開二月花過江千尺浪入竹萬竿斜

秋風引

唐劉禹錫

何處秋風至蕭蕭送鴈羣朝來入庭樹孤客最先聞

宮中樂

唐令狐楚

柳色煙相似梨花雪不如春風真有意一一麗皇居

江中風

唐楊凌

白浪暗江中南溻路不通高檣帆自滿出浦莫呼風

風

唐李商隱

撩釵盤孔雀惱帶拂鴛鴦羅薦誰教近齋時鎖洞房

風

唐薛濤

獵蕙微風遠飄絃轉一聲林梢鳴漸瀝松徑夜淒清

北窗

宋汪藻

睡起無一事怡然眄庭柯綠陰微缺處最得南廳多

歲暮

金元德明

簌簌霜刀勁沈沈山氣冥北風半夜起吹動一天星

風洞

元王士熙

清風貯深洞四時長飗飗飄然無遽發散我山中雲

詠風

明張倩倩

蕭蕭竹徑鳴卷幔如有情木落寒山裏千林共一聲

六言絕句

鉛山立春

宋朱子

行盡風林雪徑依然水館山邨却是春風有脚今朝先到柴門

七言絕句

戲題盤石

唐王維

可憐盤石臨泉水復有垂楊拂酒杯
若道春風不解意何因吹送落花來

春郊

唐錢起

水透冰渠漸有聲氣融煙塢晚來明
東風好作陽和使逢草逢花報發生

春風

唐白居易

一枝先發苑中梅櫻杏桃梨次第開
薺花榆莢深邨裏

亦道春風為我來

未央風

唐王建

五更先起玉階東
漸入千門萬戶中
總向高樓吹舞袖
秋風還不及春風

使風

唐韓偓

茶香睡覺心無事
一卷黃庭在手中
敲枕卷簾江萬里
舟人不語滿帆風

慈湖峽阻風

宋蘇軾

捍索桅竿立嘯空
篙師酣寢浪花中
故應管蒯知心腹
弱纜能爭萬里風

午熱登多稼亭

宋 楊萬里

御風何必問雌雄
只有炎風最不中
却是竹君殊解事
炎風篩過作清風

已至湖尾望見西山

楊萬里

好風穩送五湖船
萬頃銀濤半霎間
已入江西猶未覺
忽然對面是西山

春思

宋方岳

春風多可太忙生長共花邊柳外行與燕作泥蜂釀蜜
纔吹小雨又須晴

睡覺月色如晝霜風瑟然成聲作一絕

金党懷英

老木經霜衆竅空月明深夜響秋風始知天籟非人籟
吹萬由來果不同

正月太風

金周昂

風如渤海勢凌虛寒破貂裘力尚餘不是化工難倚賴
也知青帝有驅除

過姑蘇

元戴表元

水天彌望接青蕪雲氣漫漫近又無一色好風三百里
挂帆安坐過姑蘇

元旦朝回書事

元吳師道

朱衣高唱御樓東清漏遲遲畫景中黃繖寶幢微動影
一時吹面受和風

嶺南雜錄

明 汪廣洋

誰跨鯨鯢裂彩虹海波飛立瘴雲空閣婆真蠟船收嶼
知是來朝起颶風

午風亭為序菴太史

明 張邦奇

青草池邊綠樹枝晴空白日颺游絲湘簾半卷飛花入
正是午風吹客時

秋宮詞

明 林世璧

碧天涼月湛悠悠獨上高樓望女牛昨夜西風何處起

宮中無樹不知秋

御定佩文齋詠物詩選卷六

欽定四庫全書

御定佩文齋詠物詩選卷七

雷電類附電

三言古

安世房中歌

漢唐山夫人

雷震震電耀耀明德鄉治本約治本約澤弘大加被寵
咸相保德施大世曼壽

五言古

霹靂引

梁簡文帝

來從東海上發自南山陽
時聞連鼓響乍散投壺光
飛車走四端繞電發時祥
今去於斯表震來永傳芳

霹靂引

隋辛德源

出地聲初奮乘乾威更作
雲銜天笑明雨帶星精落
繞枕神不驚震楹書自若
側聞吟白虎遠見飛元鶴

七言古

附長短句

驚雷歌

晉傅玄

驚雷奮兮震萬里威陵宇宙兮動四海六合網維兮勤
為理

雜言

傅玄

雷殷殷感妾心傾耳清聽非車音

五言律

雷

唐杜甫

巫峽中宵動滄江十月雷龍蛇不成蟄天地劃爭迴扣
碾空山過深蟠絕壁來何須妒雲雨霹靂楚王臺

七言絕句

唐道人言天目山上俯視雷雨每大雷電但聞
雲中如嬰兒聲殊不聞雷震也

宋蘇軾

已外浮名更外身區區雷電若為神山頭只作嬰兒看
無限人間失筋人

暮歸

金趙秉文

貪看孤鳥入重雲不覺青林雨氣昏行過斷橋沙路黑

忽從電影得前邨

附電

四言古

和張姑孰電詩

陳陸瓊

惟徵動羽惟陰脅陽雨水作沴凝氣為祥

七言古

六月十五日大雨電行

元柳貫

日月相薄鷄火中晡時欲息雲埋空雨脚初來雜鳴電

雷驅電挾聲淪淪排檐拉檻揮霍入犀兵快馬難為雄
中休頗意絕奔迸轉橫更覺加鈇鋒亂拋荆玉抵飛鵲
恣擲桃核隨颼風坐移向壁防碎首急卷巾席何怱怱
上天號令豈輕出摧殘長養皆元功陰凝陽爍鬼神著
氣有相反誠則同想當試手鼓萬物特欲振槁昭羣蒙
齋心變貌謹天戒嗚呼生意無終窮

御定佩文齋詠物詩選卷七

欽定四庫全書

御定佩文齋詠物詩選卷八

雲類

四言古

卿雲歌

古逸詩

卿雲爛兮糺縵縵兮日月光華旦復旦兮

吹雲贊

魏曹植

天地變化是生神物吹雲吐潤浮氣翕鬱

卿雲贊

宋武帝

非煙非雲曳紫流光懸華曜藻奄鬱臺堂粲予休明震
乎珍祥積慶有文靈貺無疆

慶雲章

唐陳子昂

崑崙元氣實生慶雲大人作矣五色氤氲昔在媯帝南
風既薰叢芳爛熳郁郁紛紛曠矣千祀慶雲來止玉葉
金枝祚我天子非我天子慶雲誰昌非我聖母慶雲誰
光慶雲光矣周道昌矣九萬八千天授皇年

雲門二章

唐元結

元雲溶溶兮垂雨濛濛
類我聖澤兮涵濡不窮

其二

元雲漠漠兮含映逾光
類我聖德兮普被無方

五言古

詠雲

梁簡文帝

浮雲舒五色
瑪瑙應霜天
玉葉散秋影
金風飄紫煙

和王中書德充詠白雲

梁沈約

白雲自帝鄉氛氲屢迴沒蔽虧崑山樹含吐瑤臺月秋
風西北起飄我過城闕城闕已參差白雲復離離皎潔
在天漢倒影入華池將過丹丘野時至碧林垂九重迎
飛鵠萬里送翔螭

詔問山中何所有賦詩以答

梁陶弘景

山中何所有嶺上多白雲只可自怡悅不堪持寄君

詠雲

梁吳均

飄飄上碧虛藹藹隱青林氛氲如有意縈拂詎無心

賦得新雲

陳張正見

西北春雲起遙臨偃蓋松根危纔吐葉氣淺未成峰風
前飛未斷日處影疑重體輕無五色詎是得從龍

賦得白雲臨酒

張正見

白雲蓋濡水流彩入澗川疎葉臨嵇竹輕鱗入鄭船菊
汎金枝下峰斷玉山前一朝開五色飄飄映十千

賦得處處春雲生

陳蔡凝

春色徧空明春雲處處生入風衣暫斂隨車蓋轉輕作

金定四庫全書
卷八
葉還依樹為樓欲近城含愁上對影似有別離情

賦得含峰雲

唐太宗

翠樓含曉霧蓮峰帶晚雲玉葉依巖聚金枝觸石分橫
天結陣影逐吹起羅紋非復陽臺下空將頌楚君

詠雲

唐于季子

瑞雲千里映祥輝四望新隨風亂鳥翼沉水結魚鱗布
葉疑臨夏開花詎待春願得承佳景無令掩桂輪

雲

唐李嶠

大梁白雲起氛氲殊未歇錦文觸石來蓋影凌天發烟
煨萬里樹掩映三秋月會入大風歌從龍赴圓闕

賦得白雲抱幽石

唐駱賓王

重巖抱危石幽澗曳輕雲繞鎮仙衣動飄蓬羽蓋分錦
色連花靜苔光帶葉薰詎知吳會影長抱穀城文

賦得日暮碧雲合

唐許康佐

日際微陰生天涯暮雲碧重重初似蓋沈沈乍如積林
色黯疑暝隙光俄已夕出岫且從龍紫空寧觸石餘輝

淡瑤草浮影凝綺席時景儻能留幾思輕尺璧

觀雲篇

唐劉禹錫

興雲感陰氣疾足如見幾晴來意態行有若功成歸蔥
龍含晚景潔素凝秋輝夜深度銀漢漠漠仙人衣

谿雲

唐僧皎然

舒卷意何窮縈流復帶空有形不累物無迹去隨風莫
怪長相逐飄然與我同

孤雲

元劉因

孤雲生幾時冉冉何所適
豈無崑華高道遠嗟獨力
徘徊天中央明月為顏色
下有幽棲士歲晏倚青壁
朝飲澗下泉暮拂松間石
相對澹忘情倒景寒潭碧

春雲

元馬祖常

高雲起城闕流離度庭樹
依風拂廻塘波纈光景注
遙林帶疎煙照日亂縈縷
婉孌浮朝陽空明映輕霧
嵐翠含玉輝光采滿巖嶼
逍遙幽賞諧緬邈世娛阻

題李漑之學士白雲半間

元虞集

山中多白雲何由到城邑
招之恐不來欲攬遽無迹
棲檐候晨光納牖作秋色
用冲不為盈常住寧為客
分張任蒼松散落還白石
日照香爐峰月射仙掌側
有恩封一鄉與子當共食

望雲

元
黃石翁

日出五大高白雲浩如海
城郭在雲中山人在雲外
望雲雲氣深入雲雲氣淺
亦欲入深雲不知雲近遠

七言古

附長短句

雩祭歌

齊謝朓

族雲翳鬱溫風扇興雨祁祁黍苗徧

同李九士曹觀畫壁雲作

唐高適

始知帝鄉客能畫蒼梧雲秋天萬里一片色只疑飛盡
猶氛氲

火山雲歌送別

唐岑參

火山突兀赤亭口火山五月火雲厚火雲滿山凝未開
飛鳥千里不敢來平明乍逐邊風斷薄暮渾隨塞雨回

繚繞斜吞鐵關樹氛氲半掩交河戍迢迢征路火山東
山上孤雲隨馬去

白雲歌送劉十六歸山

唐李 白

楚山秦山皆白雲白雲處處長隨君君入楚山裏雲亦
隨君渡湘水湘水上女蘿衣白雲堪卧君早歸

題春雲出谷圖

金 党懷英

春雲乍出山有無春雲已去春山孤山光空濛不可寫
正要雲氣相縈紆山吞雲吐變明晦半與巖谷生朝晡

輕陰霏霏暗谿樹餘影漠漠開樵居舟人艤棹竝沙尾
坐看縹緲搖空虛巧分天趣出畫外韻遠不與丹青俱
今人重古不知畫但愛屋漏煙煤污惜哉東坡不及見
此本獨有墨壘煙江圖

龍井曉雲

元胡炳文

華光殿東泉有靈下穴空洞神功冥當時忽見蒼蚪精
年年簫鼓來相迎五風十雨今年好靈物不煩人致禱
非煙非霧騰清晨五色祥光煥晴昊

白雲軒

明 劉溥

山中多白雲天上多清風清風解炎熱白雲自西東江
頭坐看雲起處一片從龍天上去化為甘雨潤枯苗不
作繁陰宿高樹清風泠泠吹我衣還送白雲天上飛天
香不斷瑶草碧何處玉笙騎鶴歸

五言律

雲

唐 李嶠

英英大梁國郁郁祕書臺碧落從龍起青山觸石來官

名光遂古蓋影耿輕埃飛感高歌發威加四海廻

賦得雲生棟梁間

唐陳希烈

一片蒼梧意氛氲生棟梁下簾山足暗開戶日添光偏
使衣裘潤能令枕簟涼無心伴行雨何必夢荆王

雲

唐杜甫

龍以瞿塘會江依白帝深終年常起峽每夜必通林收
獲辭霜渚分明在夕岑高齋非一處秀色豁煩襟

和中書侍郎院壁畫雲

唐李收

粉壁畫雲成如能上太清影從霄漢發光照掖垣明映
篠多幽趣臨軒得野情獨思作霖雨流潤及羣生

奉和中書徐侍郎中書省翫白雲寄潁陽趙大

唐
儲光義

青闕朝初退白雲遙在天
非關取雷雨故欲伴神仙
汎汎鴛鴦池曲飄飄瓊闥前
猶多遠山意幸入侍臣篇

賦得歸雲送李友人歸華山
唐
錢起

秀色橫千里歸雲積幾重
欲依毛女岫初卷少姨峰
蓋

影隨征馬衣香拂卧龍祇應函谷上真氣日落溶

詠雲

唐李商隱

捧雲三更斷藏星七夕明纔聞飄迴路旋見隔重城潭
暮隨龍起河秋壓鴈聲只應惟宋玉知是楚神名

孤雲

元程鉅夫

渺渺從何起亭亭只自飛朝隨風鶴去暮逐雨龍歸幾
度超滄海多應點翠微何時能借我裁作羽人衣

江雲

明薛蕙

謝客弄春水江皋生彩雲紛紛初散綺葉葉漸成文蔽
日皆相映流風乍不分何因可持贈欲以慰離羣

五言排律

省試白雲起封中

唐陳希烈

千年泰山頂雲起漢王封不作奇峰狀寧分觸石容為
霖雖易得表聖自難逢冉冉排空上依依壘影重素光
非曳練靈眈是從龍宣學無心出東西任所從

春雲

唐裴澄

漠漠復溶溶，乘春任所從。
映林初展葉，觸石未成峰。
旭日消寒翠，晴煙點淨容。
霏微將似散，深淺又如重。
薄彩臨谿淡，輕陰帶雨濃。
空餘負樵者，嶺上自相逢。

省試觀慶雲圖

唐柳宗元

設色初成象，卿雲示國都。
九天開祕祉，百辟贊嘉謨。
抱日依龍袞，非煙近御爐。
高標連汗漫，回望接虛無。
裂素榮光發，舒華瑞色敷。
恆將配堯德，垂慶代河圖。

賦得白雲起封中

唐張嗣初

英英白雲起呈瑞出封中表聖寧因地逢時豈待風浮
光彌皎潔流影更沖融自叶堯年美誰云漢日同金泥
光乍掩玉檢氣潛通欲與非煙竝亭亭不散空

賦得青雲千呂

唐林藻

應節偏千呂亭亭在紫氛綴雲初度影捧日已成文結
蓋祥光迴為樓翠色分還同起封上更似出橫汾作瑞
來藩國呈形表聖君徘徊如有託誰道比閭雲

山出雲

唐張復

山靜雲初吐，霏微觸石新。
無心離碧岫，有意占青春。
散類如虹氣，輕同不讓塵。
凌空還似翼，映澗欲成鱗。
起異臨汾鼎，凝隨出峽神。
為霖終濟旱，非獨降賢人。

華山慶雲見

唐失名

聖主祠名岳，高峰發慶雲。
金柯初繚繞，玉葉漸氤氲。
氣色含珠日，光明吐翠雰。
依稀來鶴態，彷彿列仙羣。
萬樹流光影，千潭寫錦文。
蒼生欣有望，祥瑞在吾君。

七言律

慶雲見

唐李紳

禮成中岳陳金冊祥報卿雲冠玉峰輕未透林疑待鳳
細非行雨詎從龍卷風變彩霏微薄照日籠光映隱重
還入九霄成沆瀣夕嵐生處鶴歸松

白石湫雲

元柳貫

白石靈山望贊皇湫潭此復見蒼蒼飄揚直欲凌三際
膚寸猶能雨八荒空外金精懸太白泉中蚪彩化長黃
傳芭奏罷神絃曲松蓋成陰澤氣涼

白石湫雲

元吳萊

獨上南山最上頭，朝躋一點便成湫。
巖腰動石風初起，海眼輸泉雨欲留。
蜥蜴含珠光照夜，豐隆卷鐵黑沈秋。
明當去挾騎龍叟，直到扶桑第幾洲。

瓊島春雲

明楊榮

仙島依微近紫清，春光澹蕩暖雲生。
乍經樹杪和煙濕，輕覆花枝過雨晴。
每日氤氲浮玉殿，常時縹緲護金莖。
從龍處處施甘澤，四海謳歌樂治平。

瓊島春雲

明李東陽

瑤峰獨立倚空蒼
雲去雲來雨不妨
旋逐春寒生苑樹
更隨晴日度宮牆
玉皇居處重樓擁
太史占時五色光
若與山龍同作繪
也須能補舜衣裳

和趙庫部元實景雲篇

明呂高

卿雲郁郁覆中天
爛結緋文五色鮮
光泛紫霄流鳳蓋
影隨金闕照龍旃
漸看捧日歸仙掌
故欲從龍裊御筵
此日仙郎揮藻賦
蓬萊親獻沐恩偏

五言絕句

文杏館

唐王維

文杏裁為梁，香茅結為宇。
不知棟裏雲，去作人間雨。

尋隱者不遇

唐賈島

松下問童子，言師采藥去。
只在此山中，雲深不知處。

谿口雲

唐張文姬

一片谿口雲，纔向谿中吐。
不復歸谿中，還作谿中雨。

衡岳道中

宋陳與義

城中望衡山浮雲作飛蓋
竭來巖谷遊却在浮雲外

雲社

宋朱子

自作山中人即與雲為友
一嘯雨紛紛無勞三奠酒

雲莊

朱子

小丘橫翠几層嶂復嵯峨
釋耒閒來看巖姿此處多

題柯敬仲雜畫

元虞集

北苑今仍在南宮奈老何
青山解浮動端為白雲多

和鐵崖小臨海

元張簡

偶坐松根石相看說大還昆侖雲一朵喚作九華山

囊雲詩

明朱權

蒸入琴書潤粘來几榻寒小齋非嶺上弘景坐相看

卧雲室

明高啓

夕卧白雲合朝起白雲開惟有心長在不隨雲去來

太和縣

明張以寧

曉挂船窗看蒼茫暝色分前山知有雨流出滿江雲

卧雲室

明謝徽

朝卧白雲東暮卧白雲西白雲長共我此地結幽棲

宿華亭寺

明楊慎

天風與海水鳴籟隔山聞夜半衣裳濕清朝樹樹雲

贈楊孝父

明范汭

清時有隱者自汲還自耘翳然茅屋上一片堯時雲

閒雲

明僧大香

閒雲不作雨橫入峽山去峽口弄舟人家在雲歸處

六言絕句

題畫

元薩都拉

綠樹深藏野寺白雲影落谿船遮却青山一半只疑僧
舍茶煙

題青山白雲

元張昱

一箇茅廬何處小橋古木谿灣但見山青雲白不知天
上人間

福嚴即事

元僧善住

邨邊幾株紅樹屋外四面青山終日無人能到孤雲薄

暮飛還

七言絕句

過櫟陽山谿

唐陳羽

衆草穿沙芳色齊
踏莎行草過春谿
閒雲相引上山去
人到山頭雲却低

諷山雲

唐施肩吾

閒雲生葉不生根
常被重重蔽石門
賴有風簾能掃蕩
滿山晴日照乾坤

灞上

唐
綦毋潛著

鳴鞭曉日禁城東
渭水晴煙灞岸風
却傍柳陰回首望
春天樓閣五雲中

柏林寺南望

唐
郎士元

谿上遙聞精舍鐘
泊舟微徑度深松
青山霽後雲猶在
畫出西南四五峰

雲

唐
杜牧

盡日看雲首不回
無心都道似無才
可憐光彩一片玉

萬里青天何處來

雲

唐來鵠

千形萬象竟還空
映水藏山片復重
無限黍苗皆望澤
悠悠閒處作奇峰

孤雲

唐張喬

舒卷因風何所之
碧天孤影勢遲遲
莫言長是無心物
還有隨龍作雨時

望雲樓

宋蘇軾

陰晴朝暮幾回新已向虛空付此身
出本無心歸亦好
白雲還似望雲人

偶題

宋朱子

門外青山紫翠堆
幅巾終日面崔嵬
只看雲斷成飛雨
不道雲從底處來

病中絕句

宋范成大

簾頭排溜密如簾
谿上層陰乍解嚴
最是看山奇絕處
白雲堆絮擁青尖

雲卧菴

宋楊萬里

十年兩袖軟紅塵
歸濯滄浪且幅巾
不是白雲留我住
我留雲住卧閒身

明發瀧頭

楊萬里

黑甜偏至五更濃
強起侵星敢小慵
輸與山雲能樣嬾
日高猶宿夜來峰

舟上

宋徐照

小船停漿逐潮還
三五人家住一灣
貪看曉光侵月色

不知雲氣失前山

曉雲次子端韻

金兌懷英

灤谿經雨浪生花
曉碧翻光漾
曉霞川上風
煙無定態盡供新意與詩家

山行

金趙秉文

石頭瑩确水縱橫
過雨山間草屨輕
未到上方先滿意
倚天青壁白雲生

留題西谿

金趙溍

波光湛碧冷無痕渺渺輕風起穀紋認得朝來疎雨過
却從水底見飛雲

閻立本秋嶺歸雲圖

元 鄧文原

貞觀從知有畫仙能將萬里尺圖間白雲掩映楓林好
遮却谿南無數山

贈白雲

元 虞 集

白雲東去又經春每向飛鴻到水濱幾箇遮山松樹子
憑君灑雨洗埃塵

青山白雲圖

虞集

獨向山中訪隱君，行從千澗去沄沄。
仙家更在空青外，只許人間禮白雲。

宿浚儀公湖亭

元楊載

兩兩三三白鳥飛，背人斜去落漁磯。
雨餘不遣濃雲散，猶向前山擁翠微。

行界牌源道次小憩民舍

元柳貫

小谷疎林受數家，年芳猶有刺桐花。
白雲不為青山地，

截斷孤峰作髻丫

層樓即事

元薩都拉

浴罷焚香掃閣眠
過牆新竹翠娟娟
半空雲氣層樓暗
四月江東欲雨天

灤京雜詠

元楊孚

正元紫禁肅朝儀
御榻中間寶帕提
王母壽詞歌未徹
雪花片片彩雲低

用前韻序山家幽寂之趣

元葉顥

夕陽香逕逐東風
短策輕扶數落紅
信步偶隨流水去
不知身到白雲中

明德游仙詞

元張雨

夜久扶桑海色分
珠宮望拜赤龍君
洞庭未省君山在
元是昆侖一朵雲

一峰雲外菴

元僧惟則

衲被蒙頭宿火紅
雪寒愁聽上方鐘
開門忽怪山為海
萬疊雲濤露一峰

宿卧雲軒

明 陳憲章

不妨到處與人羣
借宿山齋酒半醺
我得五龍傳睡法
枕痕猶帶華山雲

題畫

明 文徵明

過雨空林萬壑奔
夕陽野色小橋分
春山何似秋山好
紅葉青山鎖白雲

題畫

明 王璉

渡頭初唱采蓮歌
南浦西風漲綠波
正是晚涼新雨後

青山不似白雲多

西清詞

明黃佐

碧殿崢嶸梁泰清
飈臺時送步虛聲
流鈴擲火飛章地
一片雲遮翡翠城

其二

輦道陰森萬柳齊
水晶簾幙動晴霓
六龍行處金螭合
冉冉紅雲閣苑西

同朝天宮道士朝回口號

明僧來復

羽仙飛佩曉泠風
禪子金襴映日紅
共祝太平朝帝闕
蓬萊幾率五雲中

山居

明僧德清

平湖秋水浸寒空
古木霜餘落葉紅
石逕小橋人迹斷
一菴深鎖白雲中

祇樹菴

明僧洪恩

竹映窗前水漱門
數聲幽鳥報朝昏
行來恐踏苔痕破
目送山陰過遠邨



御定佩文齋詠物詩選卷八

欽定四庫全書

集部

御定佩文齋詠物詩選卷十一

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣王瓚

謄錄監生_臣李永寧

欽定四庫全書

御定佩文齋詠物詩選卷九

霞類

五言古

早望海邊霞

唐李白

四明三千里朝起赤城霞日出紅光散分輝照雪崖一
餐噉瓊液五內發金沙舉手何所待青龍白虎車

曉發飛鳥驛晨霞滿天少刻大雨吳諺云朝霞

不出門暮霞行千里驗之信然戲紀其事

宋
范成大

朝霞不出門暮霞行千里今晨日未出曉氣散如綺心
疑雨再作眼轉雲四起我豈知天道吳農諺云爾古來
占滂沱說者類恢詭飛雲走羣羊停雲浴三豕月當天
畢宿風自少女起爛石燒成香汗礎潤如洗逐婦鳩能
拙穴居狸有智蜉蝣強知時商羊與聞計埴鳴東山鶴
堂審南柯蟻或加陰石鞭或議陽門閉或云逢庚變或

自換甲始刑鷺與象龍聚訟非一理不如老農諺響應
捷如鬼哦詩敢夸博聊用醒午睡

五言律

江霞

明薛蕙

春江變氣候孤嶼發雲霞散影採青草流文漾碧沙紅
沉迷燕子丹洞失桃花水宿淹晨暮應懷謝永嘉

七言律

霞

唐韓琮

金匱要略卷之三
應是行雲未擬歸變成春態媚晴暉深如綺色斜分閣
碎似花光散滿衣天際欲銷重慘淡鏡中閒照正依稀
曉來何處低臨水無限鴛鴦妒不飛

飛霞樓

元朱德潤

綺結飛霞散滿空闌干高倚夕陽中沖融畫錦橫窗碧
絢爛晴光入座紅宛有霓旌來漢表直疑蜃氣出城東
樓居自是神仙宅不待乘橋躡彩虹

五言絕句

丹霞塢

明高啓

遙聞丹霞塢中有餐霞者絳彩發朝朝還同赤城下

和陳伯孺西湖

明柳應芳

偶向武林遊曾於天竺住明日欲離山晴霞故變雨

錢幼卿朝霞館詩

明僧通凡

遠樹無煙時前山未雲起晞髮臨東軒衣裳半身紫

七言絕句

臨海所居

唐顧況

此去臨谿不是遙樓中望見赤城標不知墨嶂重霞裏
更有何人度石橋

舟次龜湖阻水因遊董山

宋朱棹

拂拂朝霞到客舟苦疑雨意在鳴鳩好峰天半元相識
且作僧牀挾策遊

晚霞

宋朱子

日落西南第幾峰斷霞千里抹殘紅上方傑閣憑闌處
欲盡餘暉怯晚風

遊百家巖雜詩

元王惲

月池懸溜落蒼窪巖竇分居可百家不羨碧瀾秋色好
倚天驚絕赤城霞

小遊仙

明王澤

東度扶桑看日華却隨王母借飈車夜涼海色平如掌
倒看青天起赤霞

漫成

明韓邦靖

淅沮河邊兩岸沙遶隄十里盡桃花春風縱使隨流水

落日猶堪闢彩霞

御定佩文齋詠物詩選卷九

欽定四庫全書

御定佩文齋詠物詩選卷十

雨類

三言古

雩祭歌

齊謝朓

有渰興膚寸積雨冥冥又終夕

四言古

奉和聖製喜雨

唐張九齡

艱我稼穡載育載亨隨物應之曷聖與靈謂我何憑惟
德之馨誰云天遠以誠必至太清無雲義和頓轡于斯
蒸人瞻彼非覲陰冥倏忽霈澤咸洎何以致之我后之
感無畢無隕黍稷黯黯無卉無木敷芬黜黜黃龍勿來
鳴鳥不思人和年豐皇心則怡豈與周宣雲漢徒詩

五言古

喜雨詩

魏
曹植

天覆何彌廣苞育此羣生棄之必憔悴惠之則滋榮慶

雲從北來鬱述西南征時雨中夜降長雷周我庭嘉種
盈膏壤登秋畢有成

喜雨

宋謝莊

燕起知風舞礎潤識雲流冽泉承夜湛零雨望晨浮合
穎行盛茂分穗方盈疇

喜雨

宋謝惠連

朱明振炎氣溽暑扇溫飈羨彼明月輝離畢經中宵思
此西郊雲既雨盈崇朝上天憫憔悴商羊自吟謠

賦得入階雨

梁簡文帝

細雨階前入，灑砌復沾帷。
漬花枝覺重，濕鳥羽飛遲。
儻令斜日照，併欲似游絲。

細雨

梁元帝

風輕不動葉，雨細未沾衣。
入樓如霧上，拂馬似塵飛。

和皇太子春林晚雨

梁劉孝威

雲樹交為密，雨日共成虹。
雷舒長男氣，枝搖少女風。
葉珠隨滴水，簷繩下溜空。
蝶濡飛不颺，花沾色更紅。
明離

信養德能事冠春宮誰堪偶鳳吹唯有浮丘公

擬雨詩

梁虞騫

清風送涼氣薄暮蕩炎氛虹照漣漪水電出嵯峨雲落暉散長足細雨織斜文

對雨

梁朱超

當夏苦炎埃習靜對花臺落照依山盡浮涼帶雨來重雲吐飛電高棟響行雷灑樹輕花發滴沼細萍開汎沫繁階草奔流起砌苔無因假輕蓋徒然想上才

閒居對雨

陳陰鏗

蘋藻降靈祇聰明諒在斯觸石朝雲起從星夜月離八
川奔已壑萬頃溢澄陂綠野含膏潤青山帶濯枝嘉禾
方合穎秀麥已分歧寄語紛綸學持竿詎必知

對雨

北齊劉逖

重輪宵離畢行雨旦浮空細落疑含霧斜飛覺帶風濕
槐仍足綠沾桃更上紅無由似元豹縱意坐山中

賦得微雨從東來應教

隋諸葛穎

微雨閣東峰散漫灑長松
澗滿新流濁山沾積翠濃
風起還吹燕雲來本送龍
登年隨玉燭名山定可封

詠雨

唐太宗

和風吹綠野梅雨灑芳田
新流添舊澗宿霧足朝煙
鴈濕行無次花沾色更鮮
對此欣登歲披襟弄五絃

發營逢雨應詔

唐虞世南

豫遊欣勝地皇澤乃先天
油雲陰御道膏雨潤公田
隴麥霑逾翠山花濕更然
稼穡良所重方復悅豐年

李士曹廳對雨

唐錢起

春雨暗重城，訟庭深更寂。
終朝人吏少，滿院煙雲集。
濕鳥壓花枝，新苔宜砌石。
掾曹富文史，清興對詞客。
愛爾蕙蘭叢，芳香飽時澤。

喜雨

唐戴叔倫

閒居倦時燠，開軒俯平林。
雷聲殷遙空，雲氣布層陰。
川上風雨來，灑然滌煩襟。
田家共歡笑，溝澮亦已深。
團圓聚鄰曲，斗酒相與斟。
樵歌野曲中，漁釣滄江潯。
蒼天暨

有念悠悠終我心

郡中對雨贈元錫兼簡楊凌

唐韋應物

宿雨冒空山
寒城響秋葉
沈沈暮色至
淒淒涼氣入
蕭條林表散
的皪荷上集
夜霧著衣重
新苔侵履濕
遇茲端居日
賴與嘉賓接

對雨寄韓庫部協

韋應物

颯至池館涼
靄然和曉霧
蕭條集新荷
氤氲散高樹
閒居興方澹
默想心已屢
暫出仍濕衣
况君東城住

開元寺樓對雨聯句

唐陸龜蒙

皮日休

海上風雨來掀轟逐飛電登樓一凭檻滿眼蛟龍戰

龜蒙

細灑心空冷橫飄目能眩垂檐珂珮喧掣瓦珠璣濺

皮日休

遙瞻山露色漸覺雲成片遠樹欲鳴蟬深簾尚藏燕

龜蒙

殘雷隱鱗盡反照依微見

皮日休

疎帆逗前渚晚磬分涼殿

龜蒙 畢景好疎吟餘涼可清晏

皮日休

客舍聽雨

宋朱子

沈沈蒼山郭暮景含餘清春靄起林際滿空寒雨生投

裝卽虛館檐響通夕鳴遙想山齋夜蕭蕭木葉聲

對雨

朱子

虛堂一迳矚驟雨滿空至的皪散芳塘冥濛結雲氣勢
逐風威亂望窮山景翳煙靄集林端蒼茫欲無際涼氣
襲輕裾炎氛起秋思對此景淒淒還增冲澹意

瀟湘夜雨

元陳孚

昭潭黑雲起橘洲風卷沙亂雨灑篷急驚墮檣上鴉黿
鼉互出沒暗浪鳴槽牙漁燈半明滅濕光穿蘆花

雨中留徐七賁

明高啓

江寒宿雨在落葉滿邨濕留君繫君艇莫犯風潮急試
問欲歸城誰家借蓑笠

秋陰

明葛一龍

西爽忽自晦不知朝與昏井上半殘葉湖中無遠邨枯
櫂幾日罷農收相過存雲澹一如水野風吹到門

七言古

細雨遙懷故人

唐李建勳

江雲未散春風暖
溟濛正在高樓見
細柳緣堤少過人
平蕪隔水時飛燕
我有近詩誰與和
憶君狂醉愁難破
昨夜南窗不得眠
閒階點滴迴燈坐

苔溪風雨中章德茂同泛

元黃潛

黑風翻江白雨傾
檣鼓柁側無人行
此時惟我與章子
孤舟蕩漾煙波裏
蒹葭蒼蒼楊柳黃
浩歌擊舷興彌長
翩然一葉恣掀舞
青山白塔頻低昂
朝過城南暮城北
舟人問我將誰適
章子掉頭作吳語
秋水夜來深幾許

欽定四庫全書

欽定佩文齋詩餘詞選

卷十

七

忽看大字標竹林寺門對水仍陰陰敲門見竹不見人
竹間翠石何蕭森迴舟少休雨如注四顧茫茫但煙霧
魚驚龍躍吾不知披蓑却入菰蘆去岸傍羣兒拍手呼
笑言狂客世所無嗚呼古人今則無後來視我知何如
為君留此有聲畫題作扁舟煙雨圖

瀟湘夜雨

明宣宗

濃雲如墨黯江樹九疑山迷天欲暮蒼松巖下客維舟
魚龍鼓舞飛煙霧但見長空風雨來勢與雲夢相周迴

三湘淋漓瀉銀竹七澤洶湧翻春雷
長江橫絕巴陵北一水悠悠漾空碧
洪濤巨漲頃刻中虹橋隱隱無人迹
前谿遙見野人家槿籬茅屋半欹斜
高樓誰得江湖趣坐聽蕭蕭對燭花
隔浦鐘聲來遠寺曉色蒼涼喜開霽
青天萬里白雲收滿目湘山翠欲流

五言律

奉和詠雨應詔

唐許敬宗

舞商初赴節湘燕早迎秋
飄絲交殿網亂滴起池漚
激

金匱要略卷之八
春十
溜分龍闕斜飛灑鳳樓
崇朝方浹寓宸眎俯凝旒

奉和春日遊苑喜雨應詔

唐李嶠

仙蹕九重臺香筵萬壽杯
一旬初降雨二月蚤聞雷
葉向朝濟密花含宿潤
開幸承天澤豫無使日光催

雨

李嶠

西北雲膚起東南雨足來
靈童出海見神女向臺迴
斜影風前合圓文水上開
十旬無破塊九土信康哉

山行遇雨

唐孫逖

驟雨晝氤氲空天望不分暗山惟覺電窮海但生雲涉
澗猜行潦緣崖畏宿氛夜來江月霽棹唱此中聞

江閣對雨

唐杜甫

南紀風濤壯陰晴屢不分野流行地日江入度山雲層
閣憑雷殷長空面水文雨來銅柱北應洗伏波軍

梅雨

杜甫

南京犀浦道四月熟黃梅湛湛長江去冥冥細雨來茅
茨疎易濕雲霧密難開竟日蛟龍喜盤渦與岸迴

船下夔州郭宿雨濕不得上岸別王十二判官

杜甫

依沙宿舸船石瀨月娟娟風起春燈亂江鳴夜雨懸晨
鐘雲外濕勝地石堂煙柔櫓輕鷗外含悽覺汝賢

春夜喜雨

杜甫

好雨知時節當春乃發生隨風潛入夜潤物細無聲野
徑雲俱黑江船火獨明曉看紅濕處花重錦官城

雨

杜甫

微雨不滑道斷雲疎復行紫崖奔處黑白鳥去邊明秋
日新霑影寒江舊落聲柴扉臨野碓半濕擣香杭

喜雨

杜甫

南國旱無雨今朝江出雲入空纔漠漠灑迴已紛紛巢
燕高飛盡林花潤色分晚來聲不絕應得夜深聞
和都官苗員外秋夜寓直對雨簡諸知己

唐
李嘉祐

多雨南宮夜仙郎寓直時漏長丹鳳闕秋冷白雲司螢

影侵階亂鴻聲出苑
遲蕭條吏人散小謝有新詩

賦得暮雨送李渭

唐韋應物

楚江微雨裏建業暮鐘時
漠漠帆來重冥冥鳥去遲
海門深不見浦樹遠含滋
相送情無限沾襟比散絲

裴端公使院賦得隔簾見春雨

唐包何

細雨未成霖垂簾但覺陰
唯看上砌濕不遣入檐深度
隙霑霜簡因風潤綺琴
須移戶外屨檐溜夜相侵

雨夜贈元十八

唐白居易

卑濕沙頭宅連陰雨夜天共聽檐漏滴心事兩悠然把
酒循環飲移牀曲尺眠莫言非故舊相識已三年

陰雨

白居易

嵐霧今朝重江山此地深灘聲秋更急峽氣曉多陰望
闕雲遮眼思鄉雨滴心將何慰幽獨賴此北窗琴

雨中招張司業宿

白居易

過夏衣香潤迎秋簾色鮮斜支花石枕卧詠慈珠篇泥

潯非遊日陰沈好睡天能來同宿否聽雨對牀眠

孤山寺遇雨

白居易

拂波雲色重灑葉雨聲繁水鷺雙飛起風荷一向翻空濛連北岸蕭颯入東軒或擬湖中宿留船在寺門

細雨

唐李商隱

蕭灑傍迴汀依微過短亭氣涼先動竹點細未開萍稍促高高燕微疎的的螢故園煙草色仍近玉門青

盧氏池上遇雨贈同遊者

唐溫庭筠

簾翻涼氣集谿上潤殘碁萍皺風來後荷喧雨到時寂
寥閒望久飄灑獨歸遲無限松江恨煩君解釣絲

登樓值雨

唐李咸用

江徼多佳景秋吟興未窮送來松檻雨半是蓼花風浪
猛驚翹鷺煙昏叫斷鴻不知今夜客幾處卧鳴篷

春霖

宋韓琦

咫尺東郊路春霖絕未通消閒生弈思醒睡費茶功樓
迴昏昏霧窗寒雲雲風待晴桑陌上五馬恣聰隴

真西山帥長沙禱雨

宋戴復古

出郭問農事家家笑語聲有田皆足水既雨亦宜晴山
下谿流急街頭米價平明朝開領客相見賀秋成

曉雨

宋陸游

蕭瑟度橫塘霏微映繚牆壓低塵不動灑急土生香聲
入楸梧碎清分枕簟涼回頭忽陳迹檐角挂斜陽

和龍直夫祕校細雨

宋僧道潛

薄霧兼寒雨凌晨靄未分細宜池上見清愛竹邊聞斗

帳侵蘭夢虛橋逼蕙薰晚來欣小霽釣箔映疎雲

雨

元趙孟頫

撼撼衆葉響滋滋生意新知誰實揮灑解使盡圓勻蟲
網懸珠絡荷盤瀉永銀喜涼生枕簟餘潤逼衣巾

江上雨

明高啓

冥冥衆樹昏浩浩一江渾急有迴風韻輕無入霧痕鳥
啼叢竹嶺人卧落花邨門巷春泥滑誰來共酒尊

夏日喜雨

高啓

粉署依丹禁城高爽氣多好風天上至涼雨曉來過翠
島浮香霧瑤池淡綠波九重閒視草時復幸鑾坡

雨中舟行

明
于慎行

天濶雨冥冥孤帆過驛亭雲吞江樹白霧失曉峰青岸
鳥迎船濕河魚出網鯉生涯多少恨無處異飄萍

五言排律

奉和春日途中喜雨

唐
魏知古

皇輿向洛城時雨應天行麗日登巖送陰雲出野迎濯

枝林杏發潤葉渚蒲生絲入綸言喜花依錦字明微臣
忝東觀載筆佇西成

和李僕射雨中寄盧嚴二給事

唐張籍

郊原飛雨至城闕濕雲埋迸點時穿牖浮漚欲上階偏
滋解籜竹并掃落花槐晚潤生琴匣新涼滿藥齋從容
朝務退放曠振曹乖盡日無來客閒吟感此懷

監試夜雨滴空階

唐喻鳅

雲雲復潏潏飄松又灑槐氣濛蛛網檻聲疊蘚花階古
壁青燈動深庭濕葉埋徐垂舊鴛瓦競歷小茅齋冷與
陰蟲間清將玉漏諧病身惟展轉誰見此時懷

七言律

積雨輞川莊作

唐王維

積雨空林煙火遲蒸梨炊黍餉東菑漠漠水田飛白鷺
陰陰夏木嘯黃鸝山中習靜觀朝槿松下清齋折露葵
野老與人爭席罷海鷗何事更相疑

雨不絕

唐杜甫

鳴雨既過漸細微
映空搖颺如絲飛
階前短草泥不亂
院裏長條風乍稀
舞石旋應將乳子
行雲莫自濕僊衣
眼邊江舸何匆促
未得安流逆浪歸

賀李觀察禱河神降雨

唐耿湜

質明齋祭北風微
騶馭千羣擁廟扉
玉帛纔敷雲澹澹
笙鏞未徹雨霏霏
路邊五稼添膏長
河上雙旌帶濕歸
若出敬亭山下作
何人敢和謝元暉

途中望雨懷歸

唐韋莊

滿空寒雨漫霏霏，去路雲深鎖翠微。
牧豎遠當煙草立，飢禽閒傍渚田飛。
誰家樹壓紅榴折，幾處籬懸白菌肥。
對此不堪鄉外思，荷蓑遙羨釣人歸。

春雨即事寄襲美

唐陸龜蒙

小謝輕埃日日飛，城邊江上阻春暉。
雖愁野岸花房凍，還得山家藥筍肥。
雙屐著頻看齒折，敗裘披苦見毛稀。
比隣釣叟無塵事，灑笠鳴蓑夜半歸。

和子淵學士春雨

宋韓琦

天幕沈沈淑氣溫
雨絲輕軟墜雲根
洗開春色無多潤
染盡花光不見痕
寂莫畫樓和夢鎖
依微芳樹過人昏
堂虛坐密珠簾下
試問淳于醉幾尊

北堂春雨

韓琦

葉葉輕雲障薄羅
坐看膏澤灑庭柯
風前芳杏紅香減
煙外垂楊綠意多
聲落檐牙飛短瀑
點明池面起圓波
晴來西北憑闌望
拂黛遙峰濯萬螺

有美堂暴雨

宋 蘇軾

遊人脚底一聲雷，滿坐頑雲撥不開。
天外黑風吹海立，浙東飛雨過江來。
十分潏潏金尊凸，千丈敲鐙羯鼓催。
喚起謫仙泉灑面，倒傾蛟室瀉瓊瑰。

連雨漲江

蘇軾

急雨瀟瀟作晚涼，卧聞榕葉響空廊。
微明燈火耿殘夢，半濕簾帷浥舊香。
高浪隱牀吹甕盎，闌風驚樹擺琳琅。
先生不出晴無用，留向空階滴夜長。

次韻宏甫喜雨

宋 沈與求

黃龍初看卷麥禾老農還復厭晴多
四郊庠尾開新瀆
一雨苗根長舊科已發政聲歸名杜
更教詩律鬪陰何
王孫欲識田家樂水滿溝塍涉可過

久雨

宋 陸游

梅天一日幾陰晴對雨無聊醉不成
巧厯莫能知雨點
孤桐那解寫谿聲林深鳥雀來無數
草茂鋤耰去即生
明日雲開天萬里御風吾欲過青城

芒種後經旬無日不雨偶得長句

陸游

芒種初過雨及時紗廚睡起角巾欹
凝雲不散常遮塔野水無聲自入池
綠樹晚涼鴉語鬧畫梁晝寂燕歸遲
閒身自喜渾無事不覆薰籠獨誦詩

雨

陸游

映空初作繭絲微掠地俄成箭鏃飛
紙帳光遲饒曉夢銅鑪香潤覆春衣
池魚鱗鱗隨溝出梁燕翩翩接翅歸

惟有落花吹不去數枝紅濕自相依

春雨

金馮延登

小雨濛濛潤土膏谷風習習不驚條
晨煙半濕低平野
春水初生沒斷橋已見鶯黃勻柳麥
更看檀紫上榆椒
從今樂事知相繼
櫛比雲平看隴苗

春雨

元楊載

濛濛春雨暗重城莽若山林雲氣生
駕過東朝沾羽蓋
仗移前殿濕霓旌
蒼松密掩巖頭鶴
翠柳深藏谷口鶯

明日不愁花爛熳新晴陌上有人行

明照坊對雨

元宋 聚

章臺車馬去如流白雨霏霏拂畫樓九陌平鋪明似練
兩溝急瀉碧于油美人虹見西山霽少女風來北里秋
涼意滿襟簾幙卷宮鴉歸樹夕陽收

雲巖值雨

明高 啓

深殿長廊映竹開鳥聲忽斷雨聲催蘚生偏上題詩壁
花落還臨說法臺林下聞鐘諸客散澗邊汲水一僧來

晚晴更好看山色西閣憑闌獨未迴

東郊時雨

明 李東陽

鳴鳩將雨過東林細草青郊望轉深潤入土膏春脈脈
暝含山色晝沈沈尋花問柳遊人興荷鋤扶犁野老心
見說帝城多景物春晴未必勝春陰

禁中對雨

明 沈一貫

回風度雨近金鑾高閣疎簾隱几看乳燕營巢欣土潤
嬌鶯擲柳怯枝寒添流欲染方春色拂座應憐獨冷官

目送餘雲過別殿不知銀鑰動闌干

五言絕句

夜雨

唐白居易

早蛩啼復歇殘燈滅又明
隔窗知夜雨芭蕉先有聲

微雨夜行

白居易

漠漠秋雲起稍稍夜寒生
自覺衣裳濕無點亦無聲

滯雨

唐李商隱

滯雨長安夜殘燈獨客愁
故鄉雲水地歸夢不宜秋

細雨

李商隱

帷飄白玉堂簾卷碧牙牀
楚女當時意蕭蕭髮彩涼

微雨

李商隱

初隨林靄動稍共夜涼分
窗迴侵燈冷庭虛近水聞

詠雨

唐楊凝

塵裏多人路泥歸足燕家可憐
繚亂點濕盡滿宮花

雨

金高汝勵

時雨雨三日田家家萬金
有年天子慶謀國老臣心

雜興

元周權

涼蟾淨如洗酒醒夜初寂山檐宿雨多空階響餘滴

雨中過玉遮山

明高啓

尋鐘入蒼茫一磴復一崦落葉去方深山扉雨中掩

江行

明李東陽

日出青蘋濕江渾路不分昨宵驅雨至知是海南雲

過澱湖泊石浦

明程元輔

沙蒲偃秋風湖雲藏夕雨何處遠行人飛帆下石浦

雨後雜興

明 王叔承

秋雨欲浮邨青螺上牀脚日出過東鄰船頭繫離落

七言絕句

春遊值雨

唐 張旭

欲尋軒檻列清尊江上煙雲向晚昏
須倩東風吹雨散明朝却待入花園

苦雨聞包諫議欲見訪戲贈

唐 盧綸

草氣樹煙咽不開繞牀連壁盡生苔
常時多病因多雨

那敢煩君車馬來

雨聲

唐元稹

風吹竹葉休還動
雨點荷心暗復明
曾向西江船上宿
慣聞寒夜滴蓬聲

聽雨聲寄盧綸

唐李端

暮雨蕭疎過鳳城
霏霏颭颭重還輕
聞君此夜東林宿
聽得荷池幾番聲

宮詞

唐王涯

霏霏春雨九重天
漸暖龍池御柳煙
玉輦遊時應不避
千廊萬屋自相連

謝亭送別

唐許渾

勞歌一曲解行舟
紅葉青山水急流
日暮酒醒人已遠
滿天風雨下西樓

雨

唐杜牧

連雲接塞添迢遞
灑幕侵燈送寂寥
一夜不眠孤客耳
主人窗外有芭蕉

咸陽值雨

唐溫庭筠

咸陽橋上雨如懸
萬點空濛隔釣船
還似洞庭春水色
晚雲將入岳陽天

登咸陽縣樓望雨

唐韋莊

亂雲如獸出山前
細雨和風滿渭川
盡日空濛無所見
鴈行斜去字聯聯

撫州江口雨中作

韋莊

江上閒衝細雨行
滿衣風灑綠荷聲
金騮掉尾橫鞭望

猶指廬陵半日程

淮雨

宋梅堯臣

雨脚射淮鳴萬鏃
跳點起漚魚
亂目濕帆遠
遠來未收雲漏殘
陽生半幅

六月二十七日望湖樓醉書

宋蘇軾

黑雲翻墨未遮山
白雨跳珠亂入船
卷地風來忽吹散
望湖樓下水如天

舟行

宋張耒

落景秋雲晚不開
天寒古岸野船回
初驚波面微瀾起
已覺風前細雨來

雨中

宋 鄒浩

五月陰沈久不開
冷風吹雨滿天街
老農莫漫憂蠶麥
丞相祈晴已宿齋

舟次龜湖

宋 朱 棹

山雨疎疎心又驚
起瞻天色斗微明
他年一枕江關夢
知憶篷窗此夜聲

和喜雨

宋朱子

黃昏一雨到天明
夢裏豐年有頌聲
起望平疇煙草綠
只應投筆事農耕

小雨

宋楊萬里

雨來細細復疎疎
縱不能多不肯無
似妬詩人山入眼
千峰故隔一簾珠

秋雨

楊萬里

濕侵團扇不能輕
冷逼孤燈分外明
蕉葉半黃荷葉碧

兩般秋雨一般聲

冬夜聽雨戲作

宋陸游

少年交友盡豪英
妙理時時得細評
老去同叅惟夜雨
焚香卧聽畫檐聲

小酌元衛弟聽雨

宋樓鑰

小閣臨流暑氣清
藕花的的照人明
移牀更近欄邊坐
要聽暮聲雜雨聲

西城雨中

金周昂

草露幽香不動塵
細蟬初向葉間聞
溟濛小雨來無際
雲與青山澹不分

山中雨

金劉昂

嵩高山下逢秋雨
破繖遮頭過野橋
此景此時誰畫得
清如窗外聽芭蕉

春早

金段繼昌

斷冰消盡荻芽尖
凍蘂蘇來白薺添
幾片野雲飛不去
晚風吹作雨纖纖

日晏

元范梈

昨日相期早出邨今朝日晏未開門
可人一夜東風雨綠徧天街舊草痕

宮詞

元納延

廣寒宮殿近瑤池千樹垂楊綠影齊
報道夜來新雨過御溝春水已平隄

煙雨中過石湖

元倪瓚

煙雨山前度石湖一奩秋影玉平鋪
何須更翦松江水

好染空青作畫圖

其二

姑蘇城外短長橋
煙雨空濛又晚潮
載酒曾經此行樂
醉乘江月卧吹簫

吳興道中

元張雨

扁舟偶趁采樵風
題扇書囊莫惱公
何處人間無六月
碧瀾堂上雨聲中

風雨早朝

明高啓

金匱要略
卷十
漏屋雞鳴起濕煙
寒驢難借強朝天
却思春水江南岸
閒聽蓬聲卧釣船

題張元琛蓬窗

明葉子奇

銀絲魚鱠碧芹羹
曾記扁舟越上行
今日小軒風味似
滿川風雨看雲生

口號

明程嘉燧

漱壑淘林殷戶雷
冥冥松際失崔嵬
山窗五月寒如水
知是湖橋暮雨來

夏景

明張宇初

深院基聲日正長
博山添火試沈香
道人鞭起龍行雨
帶得東潭水氣涼

御定佩文齋詠物詩選卷十